

## Izvještaj o radu Uprave policije MUP-a Kantona Sarajevo za mjesec februar 2020. godine

### KRIMINALITET

#### STATISTIČKI POKAZATELJI

U mjesecu februaru 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 385 događaja sa obilježjem krivičnog djela (što je 96 ili 33,2% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 178 ili 46,2% je evidentirano po poznatom izvršiocu, a 207 ili 53,8% po nepoznatom izvršiocu.

Od ukupno 207 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 65 ili 31,4% (što je za 14,9% manje u odnosu na uporedni mjesec) od čega je 35 evidentirano u mjesecu februaru, a 30 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 213 obavijesti (21 manje) o događajima u kojima je pričinjena neznatna materijalna šteta

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU FEBRUARU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>FEBRUAR 2020. GODINE</b>	<b>385</b>	<b>178</b>	<b>207</b>	<b>65</b>	<b>30</b>	<b>206</b>	<b>8</b>	<b>114</b>	<b>82</b>
FEBRUAR 2019. GODINE	289	125	164	76	45	182	3	108	78
<i>uporedba</i>	96	53	43	-11	-15	24	5	6	4
	33,2%	42,4%	26,2%	-14,5%	-33,3%	13,2%	166,7%	5,6%	5,1%

U toku mjeseca februara ove godine prijavljeno je 206 lica (24 više), 114 povratnika (šest više) (ili 55,3% od ukupnog broja prijavljenih lica), osam maloljetnika (pet više), a 82 lica su lišena slobode (četiri više).

Za događaje sa obilježjem krivičnog djela, koji su evidentirani u mjesecu februaru 2020. godine, prema izjavama oštećenih lica, nastupila je materijalna šteta u ukupnom iznosu od 403.994,09 KM i 4.200 €.

**TABELARNI PREGLED DOGAĐAJA SA OBIJEŽJEM KRIVIČNOG DJELA U MJESECU FEBRUARU 2020/19. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	FEBRUAR 2020. GODINE	FEBRUAR 2019.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	<b>23</b>	6	17	283%	21	2	0	0%
Protiv slobode i prava čovjeka i građanina	<b>11</b>	5	6	120%	10	1	1	100%
Protiv spolne slobode i morala	<b>1</b>	1	0	isto	1	0	0	---
Protiv braka, porodice i mladeži	<b>16</b>	20	-4	-20%	16	0	0	---
Protiv zdravlja ljudi	<b>43</b>	40	3	7,5%	43	0	0	---
Protiv privrede, poslovanja i sigurnosti plat.	<b>0</b>	1	-1	---	0	0	0	---
Protiv imovine	<b>226</b>	187	39	20,9%	29	197	63	32%
Protiv opće sigurnosti ljudi i imovine	<b>5</b>	9	-4	-44,4%	2	3	0	0%
Protiv sigurnosti javnog prometa	<b>9</b>	3	6	200%	9	0	0	---
Protiv pravosuđa	<b>1</b>	3	-2	-66,7%	1	0	0	---
Protiv javnog reda i pravnog prometa	<b>32</b>	8	24	300%	28	4	1	25%
Protiv podmićivanja i kd protiv služb. i dr...	<b>12</b>	2	10	500%	12	0	0	---
Protiv privrede i jedinstva tržišta te KD iz oblasti carina (KZBiH)	<b>0</b>	1	-1	---	0	0	0	---
ZONDINOIM-a (Sl.novine KS br.01/18)	<b>6</b>	3	3	100%	6	0	0	---
UKUPNO	<b>385</b>	289	96	33,2%	178	207	65	31,4%

U mjesecu februaru 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 96 ili 33,2%. Povećanje je zabilježeno u oblastima protiv imovine (za 39 događaja), javnog reda i pravnog prometa (za 24), slobode i prava čovjeka i građanina (za šest), itd., dok je najznačajnije smanjenje evidentirano u oblastima protiv braka, porodice i mladeži, te opće sigurnosti ljudi i imovine (za po četiri događaja).

**PREGLED DOGAĐAJA SA OBIJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom februara 2020. godine evidentirana su 23 događaja sa obilježjem krivičnog djela iz oblasti protiv života i tijela (17 više u odnosu na februar 2019. godine) i to 21 po poznatom i dva po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - jedan (isti broj događaja),
- ubistvo u pokušaju (član 166. KZ FBiH u vezi člana 28.) - jedan (nije bilo ovih događaja),
- teška tjelesna ozljeda (član 172. KZ FBiH) – sedam (tri manje) i
- lahka tjelesna ozljeda (član 173. KZ FBiH) – 14 događaja (11 više).

Nadležnom tužilaštvu podneseni su službeni izvještaji protiv 24 lica, od koji je 12 povratnika ili 50%, a tri su lišena slobode.

**PROTIV SLOBODE I PRAVA ČOVJEKA I GRAĐANINA**

Iz ove oblasti evidentirano je 11 događaja sa obilježjem krivičnog djela (šest više) i to: ugrožavanje sigurnosti – devet, otmica u pokušaju i protupravno lišenje slobode - po jedan, za čije je izvršenje evidentirano deset lica, od kojih je sedam povratnika (ili 70%), a jedno je lišeno slobode. Događaji sa obilježjem krivičnog djela ugrožavanja sigurnosti su izvršeni upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

#### PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu februaru evidentirano je 16 događaja sa obilježjem krivičnog djela (četiri manje) i to - nasilje u porodici, za čije izvršenje je prijavljeno 16 lica, od kojih je devet povratnika (ili 56,2%), a osam lica je lišeno slobode.

#### PROTIV ZDRAVLJA LJUDI

Evidentirana su 43 događaja sa obilježjem krivičnog djela iz oblasti protiv zdravlja ljudi (tri više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedan,
- posjedovanje i omogućavanje uživanja opojnih droga (čl. 239. KZ FBiH) – 42.

Nadležnom tužilaštvu podneseni su službeni izvještaji protiv 43 lica, među kojima je 25 povratnika (ili 58,1%), a 25 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv D.A. (1985) zbog postojanja osnova sumnje da je u proteklom periodu u više navrata kupovao opojnu drogu "Marihuanu" od za sada nepoznatih lica, na raznim lokalitetima, istu prepakivao, a zatim vršio prodaju raznim konzumentima na području Kantona, čime bi počinio krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, a protiv 42 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

#### PREGLED ODUZETE KOLIČINE OPOJNIH DROGA U MJESECU FEBRUARU 2020/19. GODINE

vrsta opojne droge	FEBRUAR 2020. godine	FEBRUAR 2019. godine
Marihuana (paketići)	19	11
Marihuana (u gramima)	6.251,499	---
Heroin (paketići)	---	13
Heroin (u gramima)	19,128	---
Amfetamin (u gramima)	14,896	---
Amfetamin (paketići)	---	34
Ecstasy (u gramima)	2,168	---
Speed (u gramima)	44,549	---
Speed (paketići)	8	---
Pribor sa ostacima droge	1	1

#### PROTIV IMOVINE

U ovom mjesecu, evidentirano je 226 događaja sa obilježjem krivičnog djela protiv imovine (29 po poznatom i 197 po nepoznatom izvršiocu) što je za 39 ili 20,9% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 117 (17 više),
- krađa (član 286. KZ FBiH) – 57 (27 više),
- razbojništvo (član 289. KZ FBiH) – 32 (pet manje),
- oštećenje tuđe stvari (član 293. KZ FBiH) – devet (tri više),
- prijevarena (član 294. KZ FBiH) - dva (dva manje), itd.

Nadležnom tužilaštvu podneseni su službeni izvještaji protiv 53 lica, od kojih je 40 povratnika (ili 75,5%), a 27 je lišeno slobode.

Od ukupno 197 događaja evidentiranih po nepoznatom izvršiocu iz oblasti protiv imovine naknadno su rasvijetljena 63 ili 32% što je za 13,7% manje u odnosu na februaru 2019. godine.

Tokom mjeseca februara ove godine, prema objektima izvršenja teških krađa, 40 je izvršeno u stambene objekte (sedam manje u odnosu na uporedni mjesec), 35 u motorna vozila (otuđenja motornih vozila i “provale” u ista) (18 više), 22 u poslovne prostorije (jedan više), 11 na ulici (dva više), itd.

Takođe, evidentirano je 10 otuđenja motornih vozila od čega su četiri ili 40% pronađena i vraćena vlasnicima (uprava policije MUP-a KS-a – dva i vlasnici su pronašli – dva vozila).

Evidentirano je 57 događaja sa obilježjem krivičnog djela krađe (27 više) i to u poslovnim prostorijama – 19 puta, u vozilima i na stajalištima GRAS-a - 16, na ulici - 15, u stambenim objektima - tri, itd. odakle su otuđivani novčanici, mobiteli, prehrambeni proizvodi, ogrijevno drvo, auto-dijelovi, itd.

Evidentirano je 14 događaja sa obilježjem krivičnog djela teških krađa na naročito opasan ili naročito drzak način (osam više), u kojima su izvršioc, upotrebom fizičke snage (otimanjem i trganjem) - 13 puta i verbalnom prijetnjom u jednom slučaju, otimali mobitele, novac, nakit i tašne, a evidentirani su: 10 puta na ulici, dva na tramvajskim stajalištima i po jedan u prodavnici i ugostiteljskom objektu. Nadležnom tužilaštvu podneseni su službeni izvještaji protiv dva lica povratnika u činjenju krivičnih djela.

U mjesecu februaru ove godine evidentirana su 32 događaja sa obilježjem krivičnog djela razbojništva (pet manje). Nadležnom tužilaštvu podneseni su službeni izvještaji protiv 21 lica, od kojih je 18 povratnika (ili 85,7%), a šest lica je lišeno slobode.

Od ukupno 29 događaja razbojništva evidentiranih po nepoznatom izvršiocu, naknadno je rasvijetljeno 13 ili 44,8% (što je za 9,5% više u odnosu na uporedni mjesec).

Razbojništva su izvršena prijetnjom upotrebe vatrenog oružja - deset puta, prijetnjom upotrebe noža ili drugog oštrog predmeta – 15 i upotrebom fizičke snage – sedam puta, a počinjena su u poslovnim prostorijama – 15 puta, u sportskim kladionicama i na ulici – po šest, u apoteci – tri, itd. Otudivani su mobiteli, novac, cigarete, itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je pet događaja (četiri manje) - izazivanje opće opasnosti, a nadležnom tužilaštvu podneseni službeni izvještaji protiv četiri lica.

Događaji sa obilježjem krivičnog djela izazivanje opće opasnosti izvršeni su na otvorenom prostoru četiri puta i u ugostiteljskom objektu - jednom, pri čemu je četiri puta upotrijebljeno vatreno oružje i u jednom slučaju otvorenim plamenom izazvan požar. Posljedica izvršenja navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirana su 32 događaja sa obilježjem krivičnog djela (24 više) i to: krivotvorenje isprave – 15, nasilničko ponašanje - devet, napad na službenu osobu u vršenju poslova sigurnosti - pet, sprječavanje službene osobe u vršenju službene radnje – dva i ovjeravanje neistinitog sadržaja – jedan događaj. Nadležnom tužilaštvu podneseni su službeni izvještaji protiv 28 lica od kojih je 12 povratnika (ili 42,9%), a deset je lišeno slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu februaru 2020. godine evidentirano je 19 događaja sa obilježjem krivičnog djela, u kojima je učestvovalo osam maloljetnih lica. U odnosu na isti mjesec 2019. godine povećan je broj događaja sa obilježjem krivičnog djela za 16 ili 533,3%, kao i broj maloljetnih lica za pet ili 166,7%.

STAROSNA DOB MALOLJETNIH LICA  
FEBRUAR 2020/2019. GODINU

MJESEC	od 14 do 16 god.	od 16 do 18 god.	ukupno
februar 2020. godina	2	6	8
februar 2019. godina	---	3	3

Među prijavljenim maloljetnim licima, dva su u dobi do 16 godina i šest u dobi između 16 i 18 godina, a četiri maloljetnika su povratnici.

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA  
MALOLJETNA LICA U MJESECU FEBRUARU 2020/2019. GODINE

KRIVIČNA DJELA	februar 2020.	februar 2019.
Teška tjelesna ozljeda	---	1
Lahka tjelesna ozljeda	1	1
Posjedovanje i omogućavanje uživanja opojnih droga	1	---
Razbojništvo	5	---
Krađa	---	1
Teška krađa	1	---
Teška krađa na naročito opasan način	9	---
Nasilničko ponašanje	1	---
ZONDINOM	1	---
UKUPNO	19	3

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca februara 2020. godine nije bilo evidentiranih slučajeva aktiviranja minsko-eksplozivnih sredstava (kao i u istom mjesecu 2019. godine).

Evidentirane su dvije anonimne dojave o postavljenoj eksplozivnoj napravi (u istom mjesecu 2019. godine tri), a odnosile su se na srednju školu i Kantonalni, Općinski sud. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju učinioca.

POŽARI

Tokom mjeseca februara 2020. godine, na području Kantona Sarajevo registrovan je 21 požar (dva više u odnosu na isti mjesec prethodne godine), koji je za posljedicu imao materijalnu štetu.

Prema statističkim pokazateljima, pet požara je izazvano nehatom, četiri namjerno, četiri zbog tehničkih nedostataka, dok uzroci osam požara spadaju u kategoriju ostalih.

Požari su registrovani u:

- Stambenim objektima – šest puta,
- Saobraćajnom sredstvu – pet,
- Poslovnom prostoru – dva,
- Pomoćnom objektu – jednom,
- Ostalim objektima – sedam puta.

SAMOUBISTVA

U mjesecu februaru 2020. godine na području Kantona Sarajevo registrovana su tri samoubistva (isto kao u februaru prošle godine) koja su izvršena upotrebom vatrenog oružja. Samoubistva su izvršila tri muškarca u dobi preko 70 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet pištolja, šest noževa, dvije petarde i 78 komada municije raznog kalibra.

Tokom mjeseca februara ove godine fizičkim licima izdata su 93 odobrenje za nabavku vatrenog oružja i 36 oružnih listova.

#### JAVNI RED I MIR

U toku mjeseca februara 2020. godine u oblasti protiv javnog reda i mira evidentirano je 390 prekršaja (92 ili 30,9% više u odnosu na isti mjesec 2019. godine), a za izvršenje navedenih prekršaja prijavljena su 424 lica (116 ili 37,7% više).

Zbog učinjenih prekršaja u oblasti protiv javnog reda i mira izdato je 286 naloga i podnesena su 104 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 358 prekršaja (ili 91,8%), a na prekršaje koji su utvrđeni Odlukom općinskih vijeća o javnom redu i miru 32 ili 8,2%.

Od ukupnog broja prijavljenih lica, 121 je povratnik u činjenju prekršaja, a prema starosnoj strukturi učinilaca prekršaja, najbrojniji su u dobi preko 36 godina (234), između 26 i 35 godina (124) i između 19 i 25 godina (66).

Prilikom narušavanja javnog reda i mira u mjesecu februaru 2020. godine, nije bilo teže povrijeđenih lica (kao ni u istom mjesecu 2019. godine), dok je osam lica (tri više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC FEBRUAR 2020/2019.GODINE

PREKRŠAJI IZ ZAKONA O JRIM:	februar 2020.	februar 2019.	+ - %
<b>-Tuče</b>	43	15	+28 ili 186,7%
<b>-Naročito drsko ponašanje</b>	60	15	+45 ili 300%
<b>-Odbijanje naređenja i omalovaž. pol. služb.</b>	26	26	isti broj
<b>-Prosjačenje</b>	152	165	-13 ili 7,9%
<b>-Svađa, vika, nepristojno ponašanje</b>	17	9	+8 ili 88,9%
<b>-Paljenje petardi</b>	1	---	+1
<b>-Uživanje opojne droge na javnom mjestu</b>	5	---	+5
<b>-Ostali prekršaji iz Zakona o JRiM</b>	54	25	+29 ili 116%
Prekršaji prema Odluci općinskog vijeća o JRiM	32	43	-11 ili 25,6%
ukupno	390	298	+92 ili 30,9%

Prema vrsti prekršaja, najbrojniji su sljedeći prekršaji: prosjačenje (152 ili 39% od ukupnog broja), naročito drsko ponašanje (60 ili 15,4%), tuče (43 ili 11%), odbijanje naređenja i omalovažavanje policijskih službenika (26 ili 6,7%), svađa, vika, nepristojno ponašanje (17 ili 4,4%), uživanje opojne droge na javnom mjestu (pet ili 1,3), paljenje petardi (jedan). Takođe, evidentirana su 54 prekršaja iz kategorije ostali prekršaji i 32 prekršaja koji su regulisani Odlukom općinskih vijeća.

U odnosu na isti mjesec 2019. godine smanjen je broj prekršaja učinjenih prosjačenjem i prekršaji prema Odluci općinskog vijeća o JRiM, broj prekršaja učinjenih odbijanjem naređenja i omalovažavanjem policijskih službenika ostao je isti, dok je broj ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (354 ili 90,8%), a znatno manje u ugostiteljskim objektima (17 ili 4,3%), u trgovinama i zanatskim radnjama (dva), u vozilima javnog saobraćaja (jedan), a na ostalim mjestima 16 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC FEBRUAR 2020/2019. GODINE

MJESTO IZVRŠENJA	FEBRUAR 2020.	FEBRUAR 2019.	+ - %
Ugostiteljski objekti	17	10	+7 ili 70%
Ulice i drugi otvoreni prostori	354	280	+74 ili 26,4%
Sportski stadioni	---	---	---
Škole i školska dvorišta	---	---	---
Trgovine i zanatske radnje	2	1	+1 ili 100%
Vozila javnog saobraćaja	1	---	-1
Ostala mjesta	16	7	-9 ili 128,6%
UKUPNO	390	298	+92 ili 30,9%

U odnosu na isti mjesec 2019. godine, povećan je broj prekršaja evidentiranih u ugostiteljskim objektima, na ulici i drugim otvorenim prostorima, trgovinama i zanatskim radnjama, dok je na svim ostalim mjestima smanjen broj prekršaja.

Na području Kantona Sarajevo u mjesecu februaru 2020. godine održano je 149 javnih skupova (jedan više u odnosu na mjesec februar 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 30 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu februaru 2020. godine u odnosu na isti mjesec prethodne godine povećan je ukupan broj saobraćajnih nezgoda, nezgoda sa materijalnom štetom i broj povrijeđenih lica. Broj nezgoda sa nastradalim licima i broj poginulih lica isti je kao u februaru prošle godine.

Registровано je 747 saobraćajnih nezgoda (131 ili 21,3 više u odnosu na februar prethodne godine), od čega su 692 sa materijalnom štetom (131 ili 23,3 % više) i 55 sa nastradalim licima (isti broj).

Tokom mjeseca februara 2020. godine u saobraćajnim nezgodama na području Kantona Sarajevo jedno lice je poginulo (isto kao u februaru prošle godine), dok je 71. lice povrijeđeno (tri ili 4,4 % više), od čega devet teže i 62 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO ZA MJESEC FEBRUAR 2020./19. GODINE

	feb. 2020.	feb. 2019.	+ ,-, %
UKUPNO SAOBRAĆAJNIH NEZGODA	747	616	+ 131 ili 21,3 %
Saobraćajne nezgode sa nastradalim licima	55	55	-----
Saobraćajne nezgode sa materijalnom štetom	692	561	+131 ili 23,3 %
POGINULO LICA	1	1	-----
- vozači	0	0	-----
-putnici	0	0	-----
- pješaci	1	1	-----

POVRIJEĐENO LICA	71	68	+ 3 ili 4,4 %
- vozači	31	30	+ 1 ili 3,3%
- putnici	21	19	+ 2 ili 10,5 %
- pješaci	19	19	-----

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU FEBRUARU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	9	40	631	<b>681</b>	1	9	54
van naselja			5	61	<b>66</b>			8
<b>UKUPNO</b>	<b>1</b>	<b>9</b>	<b>45</b>	<b>692</b>	<b>747</b>	<b>1</b>	<b>9</b>	<b>62</b>

Prema kategoriji puta, najveći broj saobraćajnih nezgoda registrovan je:

- na ulicama u naselju – 492 nezgode u kojima su 42 lica nastradala (jedno lice poginulo, 41 lice povrijeđeno – pet teže i 36 lakše),
- na magistralnim putevima – 98 (17 lica lakše povrijeđeno),
- na regionalnim putevima – 62 (pet lica lakše povrijeđeno),
- na lokalnim putevima – 23 (jedno lice lakše povrijeđeno),
- na putevima koji se ubrajaju u kategoriju ostalih –72 saobraćajne nezgode (sedam lica povrijeđeno - četiri teže i tri lakše).

#### POSLJEDICE SAOBRAĆAJNIH NEZGODA

Tokom mjeseca februara 2020. godine, u saobraćajnim nezgodama na području Kantona Sarajevo nastradala su ukupno 72 lica (tri ili 4,3 % više). Jedno lice je poginulo <sup>1</sup> (isto kao u februaru prošle godine), dok je 71. lice povrijeđeno (tri ili 4,4 % više), od čega devet teže (jedno više) i 62 lakše (dva više).

#### STEPEN POVREDA UČESNIKA U SAOBRAĆAJNIM NEZGODAMA

- Vozači:  
31 vozač povrijeđen: dva teže i 29 lakše
- Putnici:  
21 putnik povrijeđen: dva teže i 19 lakše
- Pješaci:  
19 pješaka povrijeđeno: pet teže i 14 lakše

Starosna struktura nastradalih lica u saobraćajnim nezgodama je slijedeća:

- ispod 6 godina - dva lica,
- od 6 do 17 godina – tri,
- od 18 do 30 godina - 23,
- od 31 do 40 godina – 11,
- od 41 do 50 godina – 15,
- od 51 do 65 godina – 10,



- 66 i više godina – sedam,
- Nepoznata starosna dob – jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – četiri lica,
- od 23 do 30 godina – četiri,
- od 30 do 40 godina – 10,
- od 40 do 50 godina – sedam,
- od 50 do 60 godina – tri,
- 60 i više godina – dva,
- nepoznata starosna dob – jedno lice.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 622 (jedno lice poginulo, 48 lica povrijeđeno, pet teže i 43 lakše),
- neprilagođena brzina – 121 (23 lica povrijeđena, četiri teže i 19 lakše),
- uticaj alkohola – četiri (bez nastradalih lica).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca februara 2020. godine, policijski službenici Uprave policije MUP-a Kantona Sarajevo kontrolisali su:

- 22.560 vozila i vozača (3.628 više),
- 5.564 lica u vozilima (109 više),
- pregledali 311 vozila (jedno više) i 200 lica u tim vozilima (pet manje).

Zbog tehničke neispravnosti iz saobraćaja je isključeno 56 vozila (22 više), 345 vozača je zatečeno da upravljaju vozilom pod dejstvom alkohola (89 više), 664 bez korištenja sigurnosnog pojasa (427 više), 218 bez položenog vozačkog ispita (95 više), 81 pod izrečenom zaštitnom mjerom (28 više), 464 vozača su zatečena da koriste mobilne telefone tokom vožnje (111 više) i 1.192 vozila su učestvovala u saobraćaju bez važeće registracije (623 više).

Zbog kršenja propisa iz oblasti sigurnosti saobraćaja uručeno je 24.250 prekršajnih naloga vozačima (4.431 ili 22,3 % više u odnosu na februar prošle godine) i podnesena 263 zahtjeva za pokretanje prekršajnog postupka (217 ili 471,7 % više).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca februara 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 9.668 prekršajnih naloga (1.413 više), upozoren je 301 vozač (31 više), a specijalnim vozilom “pauk” premještena su 402 vozila (240 više).

Takođe, pješacima koji su kršili propise uručen je 221. prekršajni nalog (85 više), a upozoreno je 45 pješaka (šest manje).

## **ZAKONITOST U RADU**

Tokom mjeseca februara 2020. godine, registrovano je pet pojedinačnih napada (četiri više) na policijske službenike MUP-a KS. U napadima je učestvovalo pet punoljetnih lica, koja su lišena slobode.

Policijski službenici Uprave policije su u mjesecu februaru 2020. godine u dva slučaja opravdano upotrebili silu (dvije manje).

Tokom mjeseca februara 2020. godine, razmatrane su 22 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za devet predstavlki (jedna manje) provede unutrašnja istraga, za sedam predstavlki je odlučeno da su neosnovane, a za šest predstavlki da se izvrše provjere i prikupi dokumentacija.

Od ukupno 22 razmatrane predstavke, 15 je podneseno od strane građana, dok sedam predstavlki predstavljaju saznanja iz službe.

Okončano je 17 unutrašnjih istraga, među kojima je osam bilo bez dovoljno dokaza, četiri su osnovane, četiri neosnovane, dok je jedna istraga okončana ocjenom oslobađajuća.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama.

Osim saradnje sa brojnim institucijama policajci u zajednici su svakodnevno na terenu, kroz proaktivno djelovanje i lične kontakte sa građanima, socijalnim radnicima, pedagogima, direktorima i drugim osobljem javnih ustanova, humanitarnih i drugih organizacija, osiguravali stvaranje povoljnog ambijenta za život svih kategorija stanovništva sa posebnim osvrtom na manjinske narode.

Policajci u zajednici Uprave policije MUP-a Kantona Sarajevo su ostvarivali brojne kontakte sa građanima romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela krađa i „drskih“ krađa, a koje često proizilaze iz istog.

Među redovnim aktivnostima koje su tokom mjeseca februaru 2020. godine realizovane, izdvajamo slijedeće:

- Posjeta azilantskom centru „Delijaši“, u cilju unapređenja saradnje i sigurnosti,
- Sastanak sa predstavnicima Centra za mentalno zdravlje i pedagoga osnovnih škola sa područja općine Centar, na temu Prevencija neprihvatljivih oblika ponašanja i zaštite učenika u osnovnim školama, sa ciljem unapređenja postojeće saradnje između učesnika,
- Nastavljene su aktivnosti na realizaciji projekta „Uklanjanje grafita – Zona bez grafita“, na području Kantona Sarajevo,
- Obilazak Službi socijalne pomoći „JU Kantonalni centar za socijalni rad“, sa ciljem poboljšanja saradnje i razmjene informacija,
- Obilazak tramvajskih i trolejbuskih stajališta u vrijeme odlaska na posao i povratka sa posla, kako bi se preventivno djelovalo na bilo koji oblik narušavanja javnog reda i mira, bezbjednosti u saobraćaju te eventualnog izvršenja krivičnih djela.

Među brojnim edukativnim radionicama izdvajamo slijedeće:

- Učestvovanje u radionici „Rad policije u zajednici i postkonfliktna reforma policije“, održanoj u Budvi, gdje su prezentirani nalazi petogodišnjeg projekta ICT4COP, koji je imao za fokus Jugoistočnu Evropu,
- Učestvovanje na trećoj nacionalnoj konsultaciji „Uspješna reintegracija mladih i djece povratnika u zajednicu iz ratom zahvaćenih dijelova Sirije i Iraka“, održanoj u prostorijama hotela „Holiday Inn“,
- Nastavljene su aktivnosti na realizaciji projekta "Jačanja tužilačkih kapaciteta u sistemu krivičnog pravosuđa u BiH"; kroz edukativnu radionicu pod nazivom "Lopov bude uvijek otkriven" u osnovnim školama na području općina: Star Grad, Centar i Novo Sarajevo,
- Održavanje edukativnih radionica: „Syber kriminal“, „Prevencija maloljetničkog prijestupništva“, „Kultura ponašanja u saobraćaju“, „Šta je to trgovina ljudima, oblici i kako je prepoznati“, za učenike srednjih škola na području Kantona Sarajevo,
- Održavanje edukativnih radionica: „Institucije i ustanove u zaštiti djece i mladih i njihova prava“, „Međuvršnjačko nasilje“, „Zaštita djece od seksualnog iskorištavanja“, „Bezbjednost u saobraćaju“, „Djeca u saobraćaju“, „Zanimanje policajac“ i dr., za učenike osnovnih škola na području Kantona Sarajevo,
- Održavanje edukativnih radionica: „Dijete u saobraćaju“, „Moj posao policajca/ke“, „Kako prepoznati policajca/ke“, „Policajac prijatelj“..., za mališane predškolskih ustanova na području Kantona Sarajevo.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 1.579 migranata.

U mjesecu februaru 2020. godine migranti su učestvovali u 18 događaja sa obilježjem krivičnog djela i to:

- ubistvo u pokušaju (čl. 166/28 KZ FBiH) – jedan,
- lahka tjelesna ozljeda (čl. 173 KZ FBiH) – dva,
- krijumčarenje osoba (čl. 189 KZ BiH) – jedan (u nadležnosti SIPA-e, odnosno Tužilaštva BiH)
- krađa (čl. 286 KZ FBiH) – tri,
- teška krađa (čl. 287 KZ FBiH) – pet,
- teška krađa u pokušaju (čl. 287/28 KZ FBiH) – jedan,
- razbojništvo (čl. 289 KZ FBiH) – dva i
- oštećenje tuđe stvari (čl. 293 KZ FBiH) – tri događaja.

Tokom mjeseca februara 2020. godine, službenici policije kontrolisali su 477 migranata, od čega 95 nije posjedovalo registrovani obrazac, 26 je upućeno službi za poslove sa strancima radi registracije, 30 je predato službi za poslove sa strancima, 256 migranata je smješteno u imigracione centre i nad dva migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 18 akcija) na području Kantona Sarajevo, u mjesecu februaru 2020. godine, policijski službenici su pronašli 190 migranta.

Kad su u pitanju pritužbe na ponašanje migranata, od ukupno 120 evidentiranih pritužbi, 14 je zbog događaja sa obilježjem krivičnog djela, 11 zbog narušavanja javnog reda i mira, 13 zbog okupljanja i 82 ostale pritužbe.

Takođe, redovno su sačinjavane informacije, procjene i analize vezane za navedenu problematiku.

**Sarajevo, 13.03.2020. godine**

**Odjeljenje za odnose s javnošću**